

**БЕКІТЕМІН**  
**«Бірінші болу – батылдық» корпоративтік қорының**  
**атқарушы директоры**

\_\_\_\_\_  
**/С.Н. Казыбаева**  
**«29» сәуір 2024 ж.**

**«JANA TOLQYN-2024»**  
**жүгіру жарысын өткізу туралы**  
**ЕРЕЖЕ**

**г. Алматы**  
**2024 ж.**

# **«Jana tolqyn 2023» жүгіру жарысын өткізу туралы ЕРЕЖЕ**

## **1. ЖАРЫСТЫ ӨТКІЗУ МАҚСАТТАРЫ**

**Jana tolqyn 2024** (бұдан әрі – «Жарыс») – 100 м және 800 м қашықтықтары бар жыл сайынғы жүгіру жарысы. Алматы қаласы мектептерінің жоғары сынып оқушылары және колледж/жоғары оқу орындары студенттерінің жарысы.

### **Жарысты өткізу мақсаттары:**

- жастар арасында жүгіруді және жеңіл атлетиканы насихаттау;
- бұқаралық спортты дамыту;
- зиянды әдеттерден (темекі шегуден) бас тарту;
- дені сау ұлт қалыптастыру;

## **2. ЖАРЫСТЫ БАСҚАРУШЫ ҰЙЫМ**

**2.1.** Жарысты өткізу кезінде жалпы басшылықты **Satbayev University** және «**Бірінші болу – батылдық**» корпоративтік қоры жүзеге асырады.

**2.2.** Жарысты дайындау мен өткізуді ұйымдастыру **Satbayev University** және «**Бірінші болу – батылдық**» корпоративтік қорының Ұйымдастыру комитетіне (бұдан әрі – «Ұйымдастыру комитеті») жүктеледі.

## **3. ЖАРЫСТЫҢ ӨТЕТІН ОРНЫ МЕН УАҚЫТЫ:**

**3.1. Жарыстың өтетін күні мен уақыты:** 2024 жылғы «5» сәуір, сағ. 07:30-дан 12:00-ге дейін.

**3.2. Жарыстың өтетін орны:** Алматы қаласы, Спорттық-жаттығу кешені, Абай даңғылы, 159.

## **4. ЖАРЫС ҚАШЫҚТЫҚТАРЫ ЖӘНЕ ЖАС САНАТТАРЫ**

### **4.1. Жарыс бағдарламасына мына қашықтықтар енгізілді:**

- 800 метр,
- 100 метр.

### **4.2. 100 және 800 метрге әйелдер мен ерлер арасындағы Жарыстың жас санаттары:**

- 15-17;
- 18-22.

**4.3.** Жарысқа тіркеу кезінде Жарыс өтетін кездегі толық жас мөлшері есепке алынады.

## **5. ЖАРЫСТЫ ҰЙЫМДАСТЫРУ ЖӘНЕ ӨТКІЗУ ШЫҒЫНДАРЫ**

**5.1.** Жарысты ұйымдастыру және өткізу шығындарын Ұйымдастыру комитеті көтереді.

**5.2.** Жарыстың жол жүрумен, орналасумен және тамақтанумен байланысты шығындарын қатысушыларды іссапарға жіберген ұйымдар немесе Жарысқа қатысушылардың өздері көтереді.

## **6. ҚАТЫСУШЫЛАРДЫ ТІРКЕУ ЖӘНЕ ЖАРЫСҚА ҚАТЫСУҒА РҰҚСАТ БЕРУ**

**6.1.** Қатысушыларды Жарысқа тіркеу [www.almaty-marathon.kz](http://www.almaty-marathon.kz) интернет-сайтында **2024 жылғы «1» мамырда** немесе қатысушылар саны 200-ге (екі жүз) жеткен кезде аяқталады.

**6.2.** [www.almaty-marathon.kz](http://www.almaty-marathon.kz) интернет-сайтында онлайн-тіркеу рәсімінен өткен қатысушы Жарысқа тіркелген болып саналады. Жарысқа қатысушылар тізіміне тек тіркелген қатысушылар ғана енгізіледі.

**6.3 Жарысқа қатысушы тіркелу арқылы Жарысты өткізу туралы осы Ереженің барлық талаптарымен келіседі.**

## **7. СӨРЕЛІК ЖИНАҚТАРДЫ БЕРУ**

**7.1.** Жарыс қатысушыларына сөрелік жинақтар Алматы қаласында **2024 жылғы «4» мамыр күні, сағ. 12:00-ден 20:00-ге дейін** Алматы қаласында Сәтпаев көшесі, 22, Satbayev University мекен жайы бойынша беріледі.

**Назар аударыңыздар! Жарыс қатысушыларына сөрелік жинақтар басқа күндері берілмейді.**

**7.2.** Қатысушының сөрелік жинағына сөрелік нөмір, нәтижені тіркеуге арналған чип, қатысушы жаднамасы, сөмке, түйреуіштер кіреді.

**7.3. Жарысқа қатысушылар бір мезгілде мына құжаттары болған жағдайда ғана жарысқа жіберіледі:**

**18 жасқа толмаған қатысушылар үшін:**

- Жеке куәлік / туу туралы куәлігінің көшірмесі;
- Жарысқа қатысуға рұқсат беретіндігі туралы ата-ананың/қамқоршылардың (қамқоршының) қолхаты;
- Қолхатқа қолдарын қойған ата-ананың/қамқоршылардың (қамқоршының) жеке куәліктері.

**18 жастан асқан қатысушылар үшін:**

- Жеке куәлік;
- Денсаулық туралы қолхат.

Барлық құжаттар қағазға басып шығарылған күйінде ұсынылуы тиіс.

**7.4.** Жарыс Қатысушысы сөрелік жинағын өзі алып кете алмайтын жағдайда, оны сөрелік жинақ берілетін күні өз жеке куәлігін, сөрелік жинағы алынатын қатысушының жеке куәлігін және Жарыс қатысушысының атынан жазылған денсаулық туралы қолхатты көрсету арқылы басқа адам алып кете алады.

**8. ЖАРЫСТАР БАҒДАРЛАМАСЫ (кейінірек жарияланады)**

**8.1. Қашықтықтарды жүгіріп өтуге арналған уақыт шектеулері:**

800 м қашықтығын жүгіріп өтуге арналған уақыт шектеуі – 7 (жеті) минут.

100 м қашықтығын жүгіріп өтуіне арналған уақыт шектеуі – 2 (екі) минут.

**9. САҚТАУ КАМЕРАСЫ**

**9.1.** Ұйымдастырушы Қатысушы сөмкесінің ішіндегі заттарға жауапты болмайды.

**9.2.** Сақтау камерасына шабаданнар, ірі көлемді сөмкелер қабылданбайды.

**9.3.** Сақтау камерасына бағалы заттарды, ақшаны, әшекейлерді өткізбеуге кеңес береміз. Ұйымдастыру комитеті сөмкелердегі заттардың жоғалғаны туралы кінәрат-талаптарды қарастырмайды.

**9.4.** Заттарды сақтау камерасына өткізу кезінде қатысушы сөрелік нөмірге бекітілетін стикерді алады. Стикер жоғалған жағдайда, сөмке Қатысушыға жарыс өткен күні берілмейді. Сөмкені шара аяқталғаннан кейін бір аптаның ішінде, сөмкенің ішіндегі заттарды нақты атай отырып, «Бірінші болу – батылдық» КҚ офисінен алып кетуге болады.

**10. НӘТИЖЕЛЕРДІ ЕСЕПТЕУ ЖӘНЕ ЖАРЫС ЖЕҢІМПАЗДАРЫН АНЫҚТАУ**

**10.1.** Жарыс қашықтықтары бойынша жарыс қатысушыларының нәтижесі Жарыстың электронды хронометраж жүйесінде тіркеледі және оны Жарыстың төрешілер алқасы растайды. Жарыс қашықтықтары бойынша жарыс жеңімпаздары мен жүлдегерлерін анықтау мәре сызығына жету фактісі бойынша жүзеге асырылады.

**10.2.** Жарыс қашықтықтары бойынша жарыс жеңімпаздары мен жүлдегерлерін анықтау World Athletics ережелеріне сәйкес жүзеге асырылады.

**10.3.** Жарыстың ресми нәтижелері Жарыс аяқталғаннан кейін 24 (жиырма төрт) сағат ішінде [www.almaty-marathon.kz](http://www.almaty-marathon.kz) интернет-сайтында жарияланады.

Ұйымдастыру комитеті қатысушылардың Жарыс ережелерін бұзғаны туралы ақпаратты алғаннан кейін, фото/бейнежазбаны талдау арқылы Жарыстың өткен орнын қайта қарауға

құқылы. Егер қатысушы Жарыс ережелерін бұзған жағдай анықталса, Ұйымдастыру комитеті қорытынды нәтижені өзгерту туралы түпкілікті шешім қабылдауға құқылы.

**10.4.** Жарысқа қатысушының нәтижесі сөрелік нөмір дұрыс орналасқан жағдайда ғана тіркеледі.

**10.5.** Жарыстың Ұйымдастыру комитеті төмендегі жағдайларда Жарысқа қатысушылардың әрқайсысы жеке нәтижесін 100% алатынына кепілдік бермейді:

- Чип дұрыс бекітілмегенде;
- Чип магнитсізденгенде;
- Чип киіммен немесе басқалай жабылғанда;
- Чип қатысушының кесірінен зақымданса;
- Жарыстың Төрешілер алқасының шешімі бойынша Жарысқа қатысудан шеттетілгенде.

**10.6. Қорытынды шығару кезінде қолданылатын терминология:**

- DNS – Did not start (қатысушы сөреге шықпады)
- DNF – Did not finish (қатысушы мәреге жетпеді)
- DSQ – Disqualified (қатысушы Жарыстан шеттетілді)
- CR – Championship Record (жарыстар рекорды)
- GUN TIME – Қатысушының мәреге жету уақыты. Сөре белгісінің берілуінен бастап қатысушының мәре төсеніштерін кесіп өтуіне дейінгі уақыт
- CHIP TIME – Қатысушының жеке уақыты. Қатысушының сөре төсеніштерін кесіп өтуінен бастап мәре төсеніштерін кесіп өтуіне дейінгі уақыт

**МАҢЫЗДЫ! Жеңімпаздар мен жүлдегерлер қатысушының GUN TIME мәреге жету уақыты бойынша анықталады.**

## **11. ЖАРЫС ЖЕҢІМПАЗДАРЫН МАРАПАТТАУ**

**11.1.** 100 м және 800 м қашықтықтарында ерлер мен әйелдер арасындағы қатысушыларды 15-17 және 18-22 жас санаттарында 1-3 орындар үшін марапаттау. Жарыстың жеңімпаздары мен жүлдегерлері грамота және медаль алады.

**11.2.** Барлық сөреге жеткен Жарыс қатысушылары сөре уақыты көрсетілген мақтау қағазын алады.

## **12. МАРШРУТТА ӨЗІН ҰСТАУ ЖАРЫС ЕРЕЖЕЛЕРІ**

**Жарыс World Athletics 2023-2024 ресми Ережелері бойынша өткізіледі**

**12.1.** Біздің ұсынымдарымыз:

- Екі және одан көп қатысушылармен бір қатарда жүгірмеу.
- Жай жүруге көшкенде жолдың оң жағын ұстану.

**12.2.** Мыналарға тыйым салынады:

- Арбадағы спортшылардан және балаларға арналған арнайы жүгіру арбалары бар қатысушылардан басқа барлық адамдарға кез келген механикалық қозғалыс құралдарын (самокат, велосипед, роликтер және т.б.) пайдалануға.
- Жарыс кезінде құлаққапты қолдануға. Қатысушы басқа жүгірушілердің, төрешілердің, ұйымдастырушылардың және Жарыстың ұйымдастырылуына қатысы адамдардың ескертулерін естуге міндетті
- Жануарлармен қатысуға.
- Алкогольден немесе есірткіден масаю күйінде қатысуға.
- Басқа қатысушыларға қауіпті болуы мүмкін кез келген заттармен қатысуға.
- Серуендеу арбаларымен қатысуға.

- Жарыс кезінде тоқтауға. *Қатысушы өзін нашар сезінген жағдайда, мүмкіндігінше Жарысқа қатысуын тоқтатып, Жарысқа қатысушылардың қозғалысына кедергі келтірмей, жолдың шетіне өтуі қажет.*
- Қатысушылардың қозғалысына және жарысты ұйымдастыруға басқа да тәсілдермен кедергі жасауға.
- Қатысушы тамақ немесе су алған кезде басқа адамдар, команда мүшелерінің ешқайсысы оның қасында жүруге, жүгіруге, қозғалуға құқылы емес.
- Ережені бұзғаны үшін қатысушы жарыстан шеттетіледі.

### **13. ЖАРЫСТАН ШЕТТЕТУ**

**13.1.** Жарыстың Ұйымдастыру комитеті мына жағдайларда Жарыс қатысушысын Жарыстан шеттетуге құқылы:

- қатысушы жүгіруді сөре ресми түрде басталмай тұрып бастады;
- қатысушы жүгіруді сөре аймағы жабылғаннан кейін бастады;
- қатысушы сөреге сөрелік нөмірсіз шықты;
- қатысушы Жарыстың Ұйымдастыру комитетінің, төрешілерінің немесе бас дәрігерінің нұсқаулары мен ескертулеріне назар аудармайды;
- қатысушы Жарыс ережелерін бұзды;
- қатысушы 2 (екі) қашықтықта немесе 2 (екі) және одан көп команданың құрамында жүгірді, бұл қатысушының да, командалардың да Жарыстан шеттетілуіне алып келеді.

**13.2.** Ресми тамақтану орны болып табылмайтын басқа жерде тамақ немесе су алған қатысушылар, оларға медициналық көрсеткіштер бойынша жарыс төрешілерімен немесе олардың басшылығымен берілген жағдайды қоспағанда, немесе басқа қатысушыдан тамақ алған жағдайда, алдымен төрешіден сары карточканы көрсету арқылы ескертілуі керек. Екінші бұзушылық үшін төреші қызыл карточканы көрсету арқылы қатысушыны жарыстан шеттетугі керек;

**13.3.** Қатысушы жарыс кезінде бейнекамераны, радионы, плеерді, ұялы телефонды, құлаққапты және басқа да аппаратураны иеленген немесе пайдаланған жағдайда қатысушыға дисквалификация жариялануы мүмкін;

**13.4.** Жарысқа қатысушылар мына жағдайларда қорытынды нәтижеден шығарылады:

- қатысушы басқа адамға тіркелген басқа біреудің нөмірімен жүгірді;
- қатысушы қашықтықты қысқартты;
- қатысушы өтінім берілмеген қашықтықты жүгірді;
- қатысушы қол астындағы көлік құралын (велосипедті, самокатты, басқаларын) пайдаланды;
- қатысушы жүгіруді сөре аймағынан тыс бастады;
- қатысушы жүгіруді өз кластерінен бастамады;
- қатысушы нақты жарыстың ресми нөмірінсіз жүгірді немесе нөмір киімнің астында жасырылды.
- Жарыс Ережесін бұзды

### **14. ЖАРЫСТЫҢ ТӨРЕШІЛЕР АЛҚАСЫ**

**14.1. Жарыстың төрешілер алқасы – төрешілер** Жарыс ережелерінің сақталуын, Жарысқа қатысушылар арасындағы спорттық доданың әділ және адал жүргізілуін, ал Жарыс жеңімпазының объективті түрде анықталуын мұқият қадағалайды. Жарысқа қызмет көрсететін барлық спорт төрешілері Жарыстың Төрешілер алқасын құрайды.

**14.2. Жарыстың Төрешілер алқасының құрамына мыналар кіреді:**

- **Жарыстың Бас төрешісі:**

*Жарыстың Бас төрешісі* Жарыстың жекелеген төрешілері арасында міндеттерді бөледі, ал Жарыс аяқталған кезде бас төреші Жарыстың Ұйымдастыру комитетіне ол туралы жазбаша есеп береді.

• **Жарыстың Бас хатшысы:**

Жарыстың *Бас хатшысы* хаттамаларды өңдейді және нәтижелерді шығарады, төрешілерді, қатысушыларды және көрермендерді сөренің барысы туралы хабардар ету үшін қажетті материалдарды уақтылы дайындайды, ал Жарыс аяқталғаннан кейін нәтижелер бойынша жалпы есепті құрастырады.

• **Жарыстың сөре-мәре аймағының төрешілері:**

*Жарыстың сөре-мәре аймағының төрешілері* сөре кезінде ережелердің сақталуы және ешкімнің артықшылықтарға ие болмауы үшін Жарысқа қатысушылардың қашықтыққа кластерлерге сәйкес шығуын қатаң қадағалайды. Мәре түзуінде төрешілер алғашқы 10 (он) мәрешіні мәре хаттамаларына тіркейді. Хаттамалар нәтижелерді хронометраж жүйесімен салыстырып тексеру үшін Жарыстың Бас төрешісіне ұсынылады.

Жарыстың Төрешілер алқасына кәсіби спортшылар мен мамандарды шақыруға рұқсат етіледі.

**14.3. Жарыстың Бас дәрігері:**

*Жарыстың Бас дәрігері* жарыс жолында және Жарыстың сөре-мәре қалашығында медициналық қызметкерлер мен Жарыс еріктілерінің жұмысына жетекшілік етеді. Қажет болған жағдайда, Жарыстың Бас дәрігері қатысушыны Жарыстан алып тастай алады.

## **15. НАРАЗЫЛЫҚТАР МЕН КІНӘРАТ-ТАЛАПТАР**

**15.1.** Наразылықтар Жарыстың Ұйымдастыру комитетіне беріледі және оларды Жарыстың Төрешілер алқасы қарайды.

**15.2.** Жарысқа Қатысушы Жарыс аяқталғаннан кейін күнтізбелік 2 (екі) күн ішінде кінәрат-талап қоюға құқылы.

Кінәрат-талаптар [info@almaty-marathon.kz](mailto:info@almaty-marathon.kz) электронды поштасына жіберіледі.

Кінәрат-талап қою кезінде Жарысқа қатысушы мына деректерді көрсетуі қажет:

- қатысушының аты-жөні (анонимді өтініштер қаралмайды);
- кінәрат-талаптың мәні, кінәрат-талаптың мазмұны;
- кінәрат-талап қою негіздері (фото немесе бейнежазба).

**15.3.** Жарыстың Ұйымдастыру комитеті наразылық және/немесе кінәрат-талап алынған мезеттен бастап 24 (жиырма төрт) сағат ішінде Жарыс қатысушысына ресми жауап дайындайды, ол кінәрат-талап/наразылық берілген электронды адреске жіберіледі.

**15.4.** Кінәрат-талаптар тек Жарыс қатысушыларынан ғана қабылданады.

## **16. ЖАРЫСТЫҢ АҚПАРАТ КӨЗДЕРІ**

Жарыс туралы толық ақпарат [www.almaty-marathon.kz](http://www.almaty-marathon.kz) интернет-сайтында, сондай-ақ Ұйымдастыру комитетінің келесі әлеуметтік желі аккаунттарында орналастырылған:

- <https://vk.com/almatymarathon>;
- <https://www.facebook.com/almatymarathon/>;
- <https://www.instagram.com/almatymarathon/>;
- [t.me/almaty\\_marathon](https://t.me/almaty_marathon).

**Жарыстың Ұйымдастыру комитеті басқа ақпараттық ресурстарда орналастырылған ақпарат үшін жауапкершілік көтермейді.**

## **17. ҚОРЫТЫНДЫ ЕРЕЖЕЛЕР**

**17.1.** Жарысты өткізу туралы осы Ереже Жарысқа қатысуға ресми шақыру болып табылады.

**17.2.** Ұйымдастыру комитеті Жарысты өткізу туралы осы Ережеге өзгерістер енгізу құқығын өзіне қалдырады.